

Cikli I programeve: “PERMES BIBLES”

Emisioni nr 1067 Malakia 8

Edhe psalmisti ankohet për të njëjtën gjë. Ai shihte njerëz që vepronin keq dhe nuk po I shërbenin Zotit. Ata dukeshin sikur përparonin më tepër. Ai shkroi: ” Por, sa për mua, gati gati po më pengoheshin këmbët dhe për pak hapat e mia do të shkisnin. Sepse i kisha zili mburravecët, duke parë mirëqënien e njerëzve të këqij.” (Ps. 73:2-3). Reth e rrotull tij ai shihte maskarenjtë që pasuroheshin gjithnjë e më shumë dhe në anën tjetër gjendja e të varfërve keqësohej edhe me shumë. Shenjtorët e shkretë ishin ata që nuk po përparonin.

Kjo është po ajo ankesë e njerëzve edhe në kohën e Malakias. Ky qëndrim shumë shpejt nxorri një “moral të ri”. Kur ata ndjejnë se : ” secili që vepron keq shihet si e mirë në sytë e Zotit”, Ata filluan të quanin të keqen të mirë dhe të mirën të keqe. Cdo e keqe do paguhet.

Edhe sot ne kemi pothuajse të njëjtin qëndrim. Shumë njerëz thonë që krimi ka cmimin e vet. Njerëzit e bëjnë atë me sa mundësi që kanë. Kjo gjen zbatim si në korporatat e mëdha ashtu edhe tek njeriu I rëndomtë. Qeveria shpenzon paratë tona pa kurrfarë përgjegjësie ndaj njerëzve. Qëndrimi apatik ne Ëashington është një ndër problemet reale sot në botë. Politikanët përpiqen ti lëviren me mirësi të pasurve dhe ti kënaqin të fuqishmit. Njerëzit e parëndësishëm shkelen me këmbë dhe askush nuk kujdeset për ta. Pse Zoti nuk vepron kundër këtij fenomeni?

Psalmisti gjen përgjigjen e këtij problemi sepse iu drejtua Zotit. “Deri sa hyra në shenjtoren e Perëndisë dhe mora parasysh fundin e tyre.” (Ps.73:17). Shihet këtu se ai po shikonte vetëm të tanishmen. Por çfarë duhet të jetë synimi për një të ardhme të largët? Po për përjetësinë? Nga e cila varemë unë dhe ti, dita e shkurtër e tyre është histori e lashtë, por qysh atëherë ata morën vendimin për përjetësinë. Më lejoni të them që për gjeneratën tonë koha po kalon sa hap e mbyll sytë. Çfarë po ndodhë sot me ata që nuk besojnë? Ata mund të ndërtojnë

këtë “moral të ri”, mund të mbledhin shumë para, por kini parasysh që ata që sot veprojnë keq do të përballen me Gjykimin në të ardhmen. Zoti do ti kërkoj llogari këtyre lloj njerezish. Ne duhet të jemi shumë të kujdeshëm ne gjykimin e mosveprimit të Zotit në shoqërin tonë bashkëkohore.

Kjo ma kujton një aksident kur dy nga studentët tanë po udhëtonin së bashku dhe e morën një kalimtar rasti që i vinte erë alkoholi. Atij i vinte era si një lambik që sapo kishte dalë nga kodrat e Kentucky-t. Ai kërkoi falje për këtë dhe tha që e dinte se nuk duhej të pinte. Ne i folëm atij për Krishtin dhe miqtë e mi thanë dicka që më trembi në atë kohë por tani sigurisht që pajtohemi me të. Ai i tha atij: ” Ne nuk po të fajësojmë ty pse ke pirë. Ti je një i humbur i drejtuar për në ferr; Për ty do të ishte më mirëta shtrydhje këtë jetë si një portokall dhe t’ia merrni lëngun sa jeni këtu. Ti nuk do të gjesh pije alkoholike kur te shkosh atje lartë. Ec përpara dhe jetoje jetën dhe do hysh në përjetësi. A je ndalur ndonjëherë të mendosh rreth kësaj?

Cdo person i pashpëtuar që e mëson Fjalën e Perëndisë e di që është mëkatar dhe që egziston një Zot i drejtësisë. Por mos prit se Zoti menjëher do të gjykoj.

Kur isha fëmij jetoja ne Oklahom-ën jugore dhe bashkë me shokët vidhnim shalqinj. Të jem i sinqert me ju se sa herë që shkonim të vidhnim shalqinj, gjithmonë mendoja se do të shkrepëtij nga qielli që do më godet për vdekje. Por pavarësisht kësaj unë prap vazhdoja vjedhjen! Kjo është kokëfortësia e zemrës njerëzore- madje edhe e një djali të vogël.

Megjithate, Zoti nuk vepron në atë mënyrë por ai mund ta bëj atë. Sepse Zoti nuk gjykon menjëherë, njeriu e interpreton këtë se Zoti nuk do ta gjykojë atë. “Sepse vendimi kundër një veprimit të keq nuk zbatohet menjëherë, zemra e bijve të njerëzve është e mbushur nga dëshira për të bërë të keqen.” (Ecc.8:11)

Njerëzit në kohën e Malakias pyesnin:” Ku është Zoti i drejtësisë”.Zoti do ti përgjigjet kësaj pyetje ne kapitullin tjetër.

Kapitulli 3

TEMA : Profetësia për dy lajmëtarët; populli qortohet për mëkatin e të qënit fetar

Kapitulli 3 fillon me përgjigjen e Zotit të pyetjes së parashtruar nga populli i Izraelit në fund të kapitullit të kaluar.

"Ja, unë po dërgoj lajmëtarin tim për të përgatitur rrugën para meje. Dhe menjëherë Zoti, që ju kërkoni, do të hyjë në tempullin e vet, engjëlli i besëlidhjes që ju kërkoni me endje, ja, do të vijë", thotë Zoti i ushtrive." (Mal.3:1)

Këtu na paraqiten dy lajmëtarë në një varg. Lajmëtari i parë që do ta përgatis rrugën është Gjon Pagëzori. I dyti është "Lajmëtari i besëlidhjes" Zoti Jezus Krisht.

Profetësia lidhur me lajmëtarin e parë është përmendur në të 4 Ungjijtë duke u referuar Gjon Pagëzorit; dhe në këtë nuk ka hamendje. Megjithatë lajmëtari i besëlidhjes asnjëherë nuk u përmend tek Ungjijtë, arsyeja është e qartë. Ky lajmëtar i besëlidhjes është Jezus Krishti, por ky kapitull nuk ka të bëjë me ardhjen e Tij. Kjo ardhje e Tij nuk është më hir, as si Shpengues por si një Gjykatës, si Një që do themeloj Mbretërinë e Tij dhe shtyp rebelimin që është në këtë botë. A e mban mend që në një rast Ai iu drejtua një burri me këto fjalë: ".....kush më vuri mua gjykatës ose ndarës përmbi ju?" (Luka 12:14) Akoma nuk ka ardhur për të gjykuar. Herën e parë erdhi për ti shpëtuar njerëzit. Erdhi për të sjell hir e jo autoritet. Ai erdhi si Një Shpëtimtar e jo si Sovran.

Do doja ti kthehesha kapitujve tek Ungjijt, që përmendet pikërisht ky varg që i referohet Gjon Pagëzorit. I pari është tek Mateu 11:9-10 : "Atëherë, pra, ç`dolët të shikoni? Një profet? Po, ju them: ai është më shumë se një profet. Sepse ky është ai për të cilin është shkruar: "Ja, unë po dërgoj lajmëtarin tim para fytyrës sate; ai do ta bëjë gati rrugën tënde para teje". Tek Ungjilli i Markut 1:2 thuhet: " Ashtu si është shkruar tek profetët: `Ja, unë po dërgoj lajmëtarin tim para fytyrës

tënde, i cili do të përgatit udhën tënde përpara teje.” Pastaj tek Ungjilli i Llukës 7:27 lexojmë: “Ai është ai për të cilin u shkrua: "Ja, unë po dërgoj përpara fytyrës tënde lajmëtarin tim, që do ta përgatitë rrugën sate para teje". Dhe së fundi tek Ungjilli i Gjonit 1:23 lexojmë: “Ai u përgjigj: ``Unë jam zëri i atij që bërtet në shkretëtirë: drejtoni udhën e Zotit, sikurse tha profeti Isaia``. Ky është një citat i Isaisë por ne mund të shohim se Malakia duhej ta thoshte këtë për gjon Pagëzorin.

Kjo ishte përgjigja e Zotit popullit të Izraelit: se pari Zoti do ta dërgoj atë si një Shpëtimtar sepse Ai është hirëplotë dhe dëshiron që ti shpëtojë njerëzit. Por kjo nuk mbaron me kaq: Ai do vij përsëri si një lajmëtar i besëlidhjes, që do të thotë, të zbatoj drejtësinë dhe gjykimin në këtë botë.

Nëse ti mund të më bindësh mua se Zoti nuk synon të gjykoj mëkatin dhe që sot Ai lejon mëkatarët të ecin sipas padrejtësisë së tyre, atëherë do te them që sinqerisht që nuk do besoja më Atë. Por Ai na e bën shumë të qartë se synimi i Tij është të gjykoj njerëzimin. Miku im, nëse Zoti nuk është Shpëtimtari yt, atëherë të pelqen ose nuk të pelqen, Ai do jetë gjykatësi yt. Ai tha tek Gjoni 5:22 : “Sepse Ati nuk gjykon asnjë, por gjithë gjyqin ia dha Birit”. Tek Zbulesa shohim Fronin Madhështor në të cilin Ai është ulur. Dhe ata që janë të humbur- si të pasurit ashtu edhe të varfërit, të shtresave të ulta dhe të larta, të mëdhenj dhe të vegjel- do të qëndrojnë para tij. Miku im, nuk ka rëndësi se cili je, mëkati nuk do të shpëtoj pa u vënë re.

Kur thuhet “lajmëtar i besëlidhjes” Ne duhet të kuptojmë se për cilën besëlidhje është fjala. Shumë kanë menduar se besëlidhja e re është në Dhjatën e Re. Ne fakt, kjo nuk ka të bëjë me ardhjen e parë të Krishtit por me besëlidhjen që bëri Zoti me popullin e Izraelit. Këtë besëlidhje e gjejmë në shumë vende në Shkrime. Për shembull, tek Levitiku 26:9-13 lexojmë: “Unë do të kthehem nga ju, do t`ju bëj pjellorë dhe do t`ju shumzoj, dhe kështu do të vërtetoj besëlidhjen time me ju. Ju do të hani nga prodhimi i vjetër, i ruajtur për një kohë të gjatë dhe do ta hiqni atë për t`i bërë vend prodhimit të ri. Unë do ta vendos banesën time midis jush dhe nuk do t`ju përzë. Do të eci midis jush dhe do të jem Perëndia juaj, dhe ju do të jeni populli im. Unë jam Zoti, Perëndia juaj, që ju nxori nga vendi i Egjiptit, që të mos ishit më skllëverit e tij; e kam thyer zgjedhën tuaj dhe kam bërë që të ecni me kokën lart.”

Kjo është besëlidhja që Zoti bëri me fëmijët e Izraelit. Kjo konfirmohet edhe tek Ligji i Përtërirë, ndërsa libri i Ligjit të Përtërirë është një konfirmim i Ligjit të Mojsiut dhe i përvojës së Izraelitëve me të pas 40 vjetësh. Ligji i Përtërirë 4:23 thotë : “Ruhuni se harroni besëlidhjen që Zoti, Perëndia juaj, ka lidhur me ju, dhe bëni ndonjë shëmbëlltysë të gdhendur në trajtën e çfarëdo gjëje që Zoti, Perëndia yt, e ka ndaluar.” Natyrisht që Izraeli kishte bërë shumë gjëra që Zoti I kishte ndaluar ti bënin, madje u kthyen në okult.

Megjithatë Malakia na tregon se lajmëtari i besëlidhjes do të vij një ditë që ta bej këtë besëlidhje të mirë. Zoti do banoj midis tyre dhe kjo është arsyeja se pastrimi përmendet në vargjet e para të kapitullit 3. Zoti nuk do eci midis tyre përderisa ata nuk i binden Atij e përderisa Ai nuk i ka pastruar ata.

“Zotin që ju e kërkon”. Ky është Zoti Jezus Krisht, që është Perëndia i mishëruar.

“ Menjëherë do të hyj në tempullin e vet”. Kjo nuk do të thotë që Ai së shpejti do të hyj në tempullin e tij por Ai do të vij menjëherë/befas. Njëherë një burr më pati thënë: “Ti flet për Rrëmbimin ku Zoti do ta merr kishën. Kur ajo të bëhet dhe e shoh që Ai e zhvendos kishën dhe i shoh me sy ata duke u larguar, atëherë do ta pranoh Krishtin”. Por unë i thash: “ Atëherë do të jetë shumë vonë se arsyeja se ai e merr kishën është se është plotësuar. Ti nuk ke mundësi në atë kohë të bëhesh pjesë e kishës. Ti mund ta pranosh Krishtin por do përjetosh Vuajtjen e Madhe, për mua nëse pret deri atëherë ti je një i marrë.

Ai quhet Zot, ky është tempulli i Tij dhe Ai është lajmëtari i besëlidhjes- dhe ne e dim që ky është Zoti Jezus Krisht. Atë që ne e njohim si Zoti Jezus Krisht ne Dhjatën e Re është engjulli i besëlidhjes në Dhjatën e vjetër.

(Mal.3:2) "Po kush do të mund të durojë ditën e ardhjes së tij? Kush do të mund të qëndrojë më këmbë ditën kur ai do të shfaqet? Ai është si zjarri i shkrirësit, si soda e larësve."

Ne e dim që Malakia i referohet ardhjes së Dytë të Krishtit sepse këtu na shfaqet gjykimi. Vini re këtë shprehje: “ Po kush do të mund të duroj ditën e ardhjes së tij?” Kjo është ardhja e dytë e Krishtit.

“Kush do të mund të qëndrojë më këmbë ditën kur ai do të shfaqet? Ai është si zjarri i shkrirësit” Në procesin e shkrirjes, metali vendoset në një zjarrë të fortë dhe kur fillon të shkrihet ,hiqen papastërtië e metalit dhe ne fund metali mbetet I pastër.

“si soda e larësve.” Synimi i tij është pastërtia. Nuk do të ketë më ndotje kur të themeloj mijëvjecarin në këtë botë- do të mbretërojë pastërtia.

(Mal.3:3) “Ai do të ulet si ai që shkrin dhe pastron argjendin; do t`i pastrojë bijtë e Levit dhe do t`i rafinojë si arin e argjendin, me qëllim që ata të mund t`i ofrojnë Zotit një blatim me drejtësi”

“Ai do të ulet si ai që shkrin dhe pastron argjendin; do t`i pastrojë bijtë e Levit.” Ai do ti pastroj ata që do hynë në mijëvjecar.

“dhe do t`i rafinojë si arin e argjendin” Janë dy procese: pastrimi dhe dëlirja. Pastrimi është përdorimi i sapunit ashtu si paraqitet edhe ketu. Kurse zjarri përdoret për provë- kjo është një mënyrë tjetër që Zoti përdor për të na pastruar dhe provuar.

(Mal.3:4) “Atëherë oferta e Judës dhe e Jeruzalemit do të pëlqehet nga Zoti, si në kohët e shkuara, si në vitet e mëparshme.”

“ Atëherë oferta e Judës dhe e Jeruzalemit do të pëlqehet nga Zoti” Flijimet e tyre do të pëlqehen nga Zoti sepse këta tani janë të pastruar. Zotit nuk i intereson se a po i ndiqni ritet përderisa nuk e bëni me zemër e nuk largoheni nga mëkati. Ti mund të bësh ndonjë mëkat por nëse qëndron në të Zoti nuk do ta pranon fenë tënde.

(Mal.3:5) “Kështu unë do t`ju afrohem për gjykim dhe do të jem një dëshmitar i gatshëm kundër magjistarëve, kundër shkelësve të kurorës, kundër atyre që bëjnë betime të rreme, kundër atyre që vjedhin mëditjen e punëtorit, që shtypin të venë dhe jetimin, që dëbojnë të huajin dhe nuk më kanë frikë”, thotë Zoti i ushtrive.”

“Kështu unë do t`ju afrohem për gjykim dhe do të jem një dëshmitar i gatshëm kundër magjistarëve” Përsëri përmes martesave të përziera, përmes martesave me gra pagane që adhuronin idhujt, po bëhej magjia, okulti dhe adhurimi i demonëve.

Sot në vendin tonë , shumica po kthehen nga okulti, me qëllim që të mbushin boshllëkun e madh shpirtëror. Kjo është edhe arsyeja që lëvizja ”The Exorcist”(largimi i shpirtërave të këqinj). Cili është reflektimi i kësaj në kishë, që doemosdo ka dështuar në mbushjen e këtij boshllëku.

“Kundër shkelësve të kurorës”. Kjo i referohet atyre që kryen martesë të përziera duke u divorcuar me gratë e tyre dhe martoheshin me gra të huaja pagane.

“Kundër atyre që bëjnë betime të rreme”- këta janë gënjeshtarët.

“Kundër atyre që vjedhin mëditjen e punëtorit, që shtypin të venë dhe jetimin, që dëbojnë të huajin dhe nuk më kanë frikë”, thotë Zoti i ushtrive.” Me fjalë të tjera, njerëzit nuk po dëshmonin për Zotin. Në atë kohë kur ata duhej të ishin një dëshmi për të huajt, këta te fundit u larguan nga Zoti pikërisht përshkak të mënyrës se si u trajtua ai nga populli e Zotit.

(Mal.3:6) “Unë jam Zoti, nuk ndryshoj; prandaj ju, o bij të Jakobit, nuk jeni konsumuar.”

Zoti është një Zot gjykatës por gjithashtu është edhe hirëplotë. Arsyeja se nuk u shkatërruan plotësisht si Edomitët ishte përshkak të hirit të Tij; kjo ndodhi sepse Zoti është hirëplotë. Edhe sot Ai është hirëplotë sepse Ai kurr nuk ndryshon. E falanderoj Zotin për këtë. Akoma Zoti është një Zot gjykatës- kjo është e frikshme për të këqinjët. Por gjithashtu Ai është një Zot që kurr nuk ndryshon në përcjelljen e hirit të Tij- dhe që është e përshtatshme për secilin që do pranojë hirin e Zotit.

Tani arritëm tek e gjashta e këtyre përgjigjeve të ndyra që këta njerëz i japin Zotit. Tetë kësi lloji gjinden në libër; kemi parë pesë nga to dhe tani arritëm tek e gjashta. Këta njerëz po e vendosnin Zotin si në një

quiz. Zoti bëri një deklaram dhe ata kërkuan që Ai ta provonte atë. Zoti bëri 8 akuza fajësie kundër popullit dhe ata kundërshtuan duke bërë 8 pyetje vulgare. Zoti i përgjigjet atyre me mirësjellje por me theks të vecantë. Ai po përpiqet që ata ti shmangen shkatërrimit.

Të interpretosh këto pyetje do të ishte më mirë të ndalonim pak këtu përsëri të merret parasysh gjenerata që i pyeste ata. Pasi që populli I Izraelit ishte në robëri për 70 vjet, të mbeturit u kthyen në vend. Të stepur dhe me gjysëm zemër ata nisën restaurimin e qytetit dhe rindërtimin e tempullit. Ata I përjetuan vështirësitë dhe vuajtjet e robërisë. Ashtu si etërit e tyre në fabrikët e tullave në Egjipt edhe ata rënkuan Edhe gjatë kthimit ata patën vështirësi, persekutime dhe dekurajime. Më besoni se ata mendonin se kur të kthehen cdo gjë do të shkoj mirë dhe do të jetë e lehtë për ta- por nuk ndodhi ashtu. Këto ishin metodat që përdori Zoti për ti disiplinuar; ishte një formë korrigjimi, por nuk pati efekte të dëshirueshme. Disiplina ose do të zbusë ose do të ngurtësoj, dhe këta njerëz u hidhëruan dhe u ashpërsuan me barrën që i kishte shkaktur dhimbje. Ata ishin bërë hekur. Ata ishin si një i burgosur që lirohet nga burgu por që nuk është reformuar. Ata dolën nga skllavëria por nuk mësuan gjë nga kjo e keqe.

Në fakt, Zoti nuk kishte më çfarë të bënte më tepër për ta. Madje Zoti zbrazti gjithë arsenalin e tij të korrigjimit. Kjo ishte jashtë ndyrësisë së kësaj gjenerate që janë rritur me farën helmuese të farisenjve, saducejve dhe skribëve që egzistonin në atë kohë kur Zoti Jezus erdhi 400 vjet më vonë. Në kohën e Malakias rebelimi kundër Zotit nëse mund të quhej vetëm një pucerr ose një gërvishtje e përçiptë e kombit, kjo shëndrrohet në kancer të përjetshëm në kohën e Jezus Krishtit.

Zoti përpiqej të ndaloj përhapjen e virusit, të djeg atë dhe Ai ngre këto 8 akuza kundër tyre. Përgjigja e tyre shpreh qëndrimin e tyre. Ata nuk dyshonin se ishin fajtorë dhe habiteshin se si Zoti po dyshon në ta. Ata shtreshin sikur ishin të lënduar. Ata bëheshin si të paditur. Ata luanin pjesën sikur ishin shumë të lënduar dhe me një tundje të dorës ata hodhën poshtë akuzat si të pavlera për ta.